



ISTITUT CULTURAL LADIN  
Majon di Fascegn

Sèn Jan, ai 11 de dezesember 2017

## COMUNICAT STAMPA

**En vender ai 15 de dezesember**

### **RADUNANZA GENERÈLA DE L'ISTITUT CULTURAL LADIN**

Ence chest an, aldò de l'articòl 10 del Statut, I Consei de Aministrazion e la Comiscion Culturala endreza la **Radunanza Generèla** de l'Istitut, che sarà en **VENDER ai 15 de dezesember da les 15.00 te la Sala Heilmann** del Museo Ladin de Fascia a Sèn Jan, per prejentèr la ativitàes fates e i resultac arjunc tel cors del 2017 e i projec per l'an che vegn.

Tel cors de la scontrèda vegnarà prejentà ence I **Calandèr ladin 2018**, stampà de gra ence al sostegn tant de la Coprativa Val de Fascia de Sèn Jan che de chela de Ciampedel: chest an l'à per tìtol **La lum te la ousc del cher - La luce nella voce del cuore** e I propon, tras la fotografies de Emanuela Montrasio e i tesç de Alberta Rossi, n percors singolèr per descoriger più da vejìn la realtà de nesc veies e de si mond.

Vegnarà prejentà ence I **n. 41 de "Mondo Ladino"**, fresch de stampa, che tol ite na lingia de contribuc dediché al ladin: con tesç e testimonianzes che se pel adertura ence "scutèr sù" online, de gra a la **"Mediateca ladina"**, strument metù ensema da l'Istitut Ladin per dèr I met de poder apede sorì a tesç, filmac, cianties e conties da anché e da zacan. Na ocajon per fèr na reflescion sul ladin fascian, che de segur anchecondi no é san e inton.

Se dajarà cont amò apede ence di projec de enrescida che vegn portà inant sul lengaz (VoLF, Vocabolar Ladin Fascian), su la storia e su la cultura ladina, e ence sul scomenz di corsc de "Autà Formazion" per insegnanc de la Scola de Fascia, strument nezessèr per slarièr fora e renforzèr la cognoszenzes arjontes te duc chisc egn de lurier.

Tinùltima vegnarà prejentà la ativitàes del Museo Ladin, col smaorament de la "sezions sul teritorie", ampò te la prospetiva de n **smendrament del temp de l'orarie per la jent de la Senta Zentrèla**, per via di cosc de gestion: n pont doous, che va de contra respet la domana de proponetes per la bassa sajon che vegn fat scialdi più da spes tel turism fascian, e che tel binomie "cultura e identità" podessa troèr n element che lo caraterisea e califichea.

**Fora per dut I domarena del vender da les 15.00 a les 19.00 se podarà vijitèr debant I Museo e se podarà comprèr desvaliva publicazions de l'Istitut a n priesc rebassà.**

**Da les 17.00 se jirà inant aló da la Cèsa de Paussa de Vich co la prejentazion ofizièla del Calandèr Ladin 2018.**

L'Istitut envia de cher duta la comunanza a tor pèrt a la Radunanza generèla e a la prejentazion del Calandèr ladin e a dèr so contribut a la discusion con propostes e consees.

AR